



ПОЛНЫЙ ПРАВОСЛАВНЫЙ МОЛИТВОСЛОВ АРЕСТАНТА

По благословению
митрополита Агапита
Могилев-Подольского
и Шаргородского



НЕБО НА ЗЕМЛЕ
Киев - 2019

0+

НЕБО НА ЗЕМЛЕ

Полный православный молитослов арестанта

http://www.litres.ru/pages/biblio_book/?art=49790541

SelfPub; 2020

Аннотация

«Полный молитвослов арестанта» был составлен тюремным священником в помощь людям, отбывающим наказание в местах лишения свободы. По мнению составителей, забота о человеке, находящемся в тюремных стенах, – главная задача священнослужителя. С этой целью и был составлен этот молитвослов. В состав молитвослова вошли как основные молитвы – утреннее и вечернее правило, так и особые молитвы, созданные для потребностей арестантов.

Содержание

| | |
|---|----|
| Молитвы утренние | 9 |
| Молитвы на сон грядущим | 25 |
| Канон покаянный ко Господу нашему Иисусу Христу | 39 |
| Конец ознакомительного фрагмента. | 43 |




**Во славу Святой Единосущной,
Животворящей и Нераздельной Троицы,
Отца и Сына и Святого Духа**

**ГДЕ ДУХ ГОСПОДЕНЬ,
ТАМ СВОБОДА**

2Кор.3:17

Молитвы утренние



Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси.¹

Во имя Отца и Сына и Святаго Духа. Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:

Молитва мытаря

(Евангелие от Луки, глава 18, стих 13)

¹ Выделенные от основного текста примечания и названия молитв не читаются во время молитвы.

Бóже, мѣлостив бѹди мнѣ грѣшному. (*Поклон*)

Молитва предначинательная

Гóсподи Иисѹсе Христѣ, Сѹне Бóжий, молитв рáди Пре-
чѣстѹя Твоея Мáтере и всех святѹх, помѣлуй нас. Амѣнь.

Слáва Тебѣ, Бóже наш, слáва Тебѣ.

Молитва Святому Духу

Царю Небѣсный, Утѣшителю, Дѹше ѣстины, Иже вездѣ
сѹи и вся исполняѣи, Сокрóвище благѹх и жѣзни Подáтелю,
приидѣи и вселѣси в ны, и очѣисти ны от всѣкѣи сквѣрны, и
спасѣи, Блáже, дѹши нáша ²

Трисвятое

Святѹи Бóже, Святѹи Крѣпкий, Святѹи Безсмѣртный,
помѣлуй нас. (*Читается трижды, с крестным знаменем и
поясным поклоном.*)

Слáва Отцѹ и Сѹну и Святóму Дѹху, и ныне и прѣсно и
во вѣки векóв. Амѣнь.

Молитва ко Пресвятой Трѣице

Пресвятáя Трѣице, помѣлуй нас; Гóсподи, очѣисти грехѣ
нáша; Влады́ко, прости́ беззакóнѣи нáша; Святѹи, посети́ и
исцели́ нѣмощи нáша, ѣмене Твоего рáди.

Гóсподи, помѣлуй. (*Трижды*)

² От Пасхи до Вознесения вместо этой молитвы читается тропарь: «Христóс
воскресе из мѣртвых, смѣртию смерть попрáв, и сѹщим во гробѣх живóт да-
ровáв». (Трижды) От Вознесения до Троицы начинаем молитвы со «Святѹи
Бóже...», опуская все предшествующие. Это замечание относится и к молитвам
на сон грядущим.

Сла́ва, и ны́не³

Молитва Господня

Отче наш, Иже еси́ на небесѣх! Да святѣтся ѡ́мя Твое́, да приидет Цѣ́рствие Твое́, да бу́дет во́ля Твоя́, ꙗ́ко на небесѣх и на земли́. Хлеб наш насущный да́ждь нам днесь; и остави́ нам до́лги на́ша, ꙗ́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

Тропари Троицные

Воста́вше от сна, припа́даем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Сла́ва: От одра́ и сна воздви́гл мя еси́, Го́споди, ум мой просвети́ и се́рдце, и устне́ мой отвѣ́рзи, во е́же пѣти Тя, Свята́я Трѡ́ице: Свят, Свят, Свят еси́, Бо́же, Богородицею поми́луй нас.

И ны́не: Внеза́пно Судия́ приидет, и коегѡ́ждо дея́ния обнажа́тся, но стра́хом зове́м в полу́нощи: Свят, Свят, Свят еси́, Бо́же, Богородицею поми́луй нас.

Го́споди, поми́луй. (*12 раз*)

Молитва ко Пресвятой Трѡ́ице

От сна воста́в, благодарю́ Тя, Свята́я Трѡ́ице, ꙗ́ко многия ра́ди Твоея́ бла́гости и долготерпе́ния не прогна́вался еси́ на мя, лени́ваго и грѣшнаго, ниже́ погуби́л мя еси́ со беззакѡ́нь-

³ В молитвословах и богослужебных книгах часто пишут кратко «Сла́ва:», «И ны́не:», но читать надо полностью: «Сла́ва Отцу́ и Сы́ну и Свято́му Ду́ху», «И ны́не и присно и во ве́ки веко́в. Ами́нь»

ми моими; но человеколюбовствовал еси обычно и в нечаянии лежащаго воздвигл мя еси, во еже утревати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечном, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Цареву нашему Богу. *(Поклон)*

Приидите, поклонимся и припадём Христу, Цареву нашему Богу. *(Поклон)*

Приидите, поклонимся и припадём Самому Христу, Цареву и Богу нашему.

(Поклон)

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих; яко да оправдишися во словесах Твоих, и победиши внегда судити Ти. Се бо, в беззаконных зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очыщуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся безза-

кѡнѡя моя очисти. Сѣрдце чисто созійди во мне, Бѡже, и дух прав обновѡи во утрѡбе моеѡй. Не отвѣржи мене от лица Твоего и Духа Твоего Святаго не отыми от мене. Воздаждь ми радость спасѣния Твоего и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избави мя от кровей, Бѡже, Бѡже спасѣния моего; возрадуется язык мой правде Твоеѡй. Господи, устне мои отвѣрзеши, и уста моя возвестят хвалу Твою. Яко аще бы восхотѣл еси жѣртвы, дал бых убо: всесожжѣния не благоволиши. Жѣртва Бѡгу дух сокрушен; сѣрдце сокрушенно и смиренно Бог не унижит. Ублажи, Господи, благоволением Твоим Сиѡна, и да созйдутся стѣны Иерусалимския. Тогда благоволиши жѣртву правды, возношѣние и всесожѣгаемая; тогда возложат на олтарь Твой тельцы.

Символ веры

¹Вѣрую во единого Бѡга Отца, Вседержителя, Творца небу и земли, видимым же всем и невидимым. ²И во единого Господа Иисуса Христа, Сына Бѡжия, Единородного, Иже от Отца рожденнаго прежде всех век; Свѣта от Свѣта, Бѡга истинна от Бѡга истинна, рожденна, несотворенна, единосущна Отцу, Имже вся быша. ³Нас ради человек и нашего ради спасѣния сшедшаго с небес и воплотившагося от Духа Свята и Марии Дѣвы, и вочеловѣчшася. ⁴Распятаго же за ны при Понтийстем Пилате, и страдавша, и погребенна. ⁵И воскресшаго в третий день по Писанием. ⁶И возшедшаго на небе-

са, и сядяща одесную Отца. ⁷И паки грядущаго со славою судити живым и мертвым, Егоже Царствию не будет конца. ⁸И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. ⁹Во едину Святую, Соборную и Апостольскую Церковь. ¹⁰Исповедую едино крещение во оставление грехов. ¹¹Чаю воскресения мертвых, ¹²и жизни будущаго века. Аминь.

Молитва 1-я, святого Макария Великого

Бже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

Молитва 2-я, того же святого

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лениности ускорив возстави, и спаси мя в предстоянии и молитве, и по сне ношнем возсияй ми день безгрешен, Христе Бже, и спаси мя.

Молитва 3-я, того же святого

К Тебе, Владыко Человеколюбче, от сна встав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и из-

бáви мя от всякiя мирскiя злiя вéщи и диáвольскаго поспешéния, и спаси́ мя, и введи́ в Цáрство Твое́ вéчное. Ты бо еси́ мой Сотворитель и всякому́ блага́гу Промысленник и Подáтель, о Тебé же все уповáние моё, и Тебé сла́ву возсылаю, ны́не и прiсно и во вéки векóв. Амiнь.

Молитва 4-я, того же святого

Гóсподи, Иже мно́гою Твоею́ блага́стiю и вели́кими щедрóтами Твоими́ дал еси́ мне, рабу́ Твоему́, мимошэдшее время́ но́щи сея́ без напа́сти прейти́ от всякаго́ зла противна́; Ты Сам, Влады́ко, всяческих Творче, сподóби мя и́стинным Твоимъ́ свéтом и просвещéнным сéрдцем творити́ волю́ Твою́, ны́не и прiсно и во вéки векóв. Амiнь.

Молитва 5-я, святого Василия Великого

Гóсподи Вседержителю, Бóже сил и всякiя плóти, в вы́шних живы́й и на смиренныя призира́яй, сéрдца же и утробы́ испытуй́яй и сокровéнная челове́ков я́ве предвéдый, Безначáльный и Присносущный́ Свéте, у Него́ же несть преме́нения, или́ преложéния осенéние; Сам, Безсмéртный Царю́, приими́ молéния на́ша, я́же в настоя́щее время́, на мно́жество Твои́х щедрóт дерза́юще, от сквэрных к Тебé устéн творимъ́, и оста́ви нам прегрешéния на́ша, я́же дéлом, и слóвом, и мы́слию, вéдением, или́ невéдением согрешéнная на́ми; и очисти́ ны от всякiя сквэрны́ плóти и дýха. И да́руй нам бо́дренным сéрдцем и трéзвенною мы́слию всю настоя́щаго житiя́ но́щь прейти́, ожида́ющим пришéствия свéтлаго и явлéннаго дне́ Единорóднаго Твое́го Сы́на, Гóспода и Бóга и

Спа́са на́шего Иису́са Христа́, во́ньже со сла́вою Судия́ всех при́дет, кому́ждо отда́ти по делóм его́; да не па́дше и обле́нившися, но бо́дрствующе и воздв́ижени в де́лание обря́щаемся гото́ви, в ра́дость и Божéственный черто́г сла́вы Его́ сови́дем, иде́же пра́зднующих глас непреста́нный, и неизре́ченна́я сла́дость зря́щих Твоего́ лица́ добро́ту неизре́ченную. Ты бо еси́ и́стинный Свет, просвещáяй и освящáяй вся́ческая, и Тя поётъ вся тварь во ве́ки веко́в. Ами́нь.

Молитва 6-я, того же святого

Тя благослови́м, вы́шний Бо́же и Го́споди ми́лости, творя́щаго при́сно с на́ми вели́кая же и неизсле́дованная, сла́вная же и ужа́сная, ихже несть числа́, пода́вшего нам сон во упокоéние нéмощи на́шея, и ослабле́ние трудо́в многотру́дная плóти. Благодаримъ Тя, я́ко не погуби́л еси́ нас со беззако́нныи на́шими, но человеколю́бствовал еси́ обы́чно, и в неча́янии лежа́щая ны воздв́игл еси́, во éже славосло́вити держа́ву Твою́. Те́мже мо́лим безме́рную Твою́ благода́ть, просвети́ на́ша мы́сли, очеса́, и ум наш от тяжкаго сна ле́ности возста́ви: отвéрзи на́ша уста́, и испо́лни я Твоего́ хвалéния, я́ко да возмо́жем непоколе́блемо пéти же и испове́даться Тебе́, во всех, и от всех сла́вимому Бо́гу, Безнача́льному Отцу́, со Единоро́дным Твои́м Сы́ном, и Всесвяты́м и Благо́м и Животворя́щим Твои́м Ду́хом, ны́не и при́сно и во ве́ки веко́в. Ами́нь.

Молитва 7-я, ко Пресвятой Богородице

Воспева́ю благода́ть Твою́, Влады́чице, молю́ Тя, ум мой

облагодати. Ступати право мя настави, путём Христовых заповедей. Бдети к песни укрепи, уныния сон отгоняючи. Связана пленницами грехопадений, мольбами Твоими разреши, Богоневесто. В ноши мя и во дни сохраняй, борющихся враг избавляючи мя. Жизнодателя Бога рождающая, умерщвлена мя страстьми оживи. Яже Свет невечерний рождающая, душу мою ослепшую просвети. О дивная Владычня палато, дом Духа Божественна мене сотвори. Врача рождающая, врачуй души моея многолетних страсти. Волнующаяся житейскою бурей, ко стези мя покаяния направи. Избави мя огня вечнующаго, и червья же злаго, и тартара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучшить веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моея скверну очищаючи. Стенания от сердца приношу Ти непрестанно, усердствуй, Владычице. Молбную службу мою прими, и Богу благоутробному принеси. Превышшая ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляючи; Ему же честь и поклонение подобает, ныне и присно и во веки веков. Аминь.

Молитва 8-я, ко Господу нашему Иисусу Христу

Многомилостиве и Всемилостиве Бóже мой, Гóсподи Иисусе Христé, многия ради любвé сшел и воплотился еси, яко да спасéши всех. И паки, Спасе, спаси мя по благодати, молю Тя; аще бо от дел спасéши мя, несть се благодать, и дар, но долг пáче. Ей, многий в щедрóтах и неизречéнный в милости! Вéруй бо в Мя, рекл еси, о Христé мой, жив бóдет и не úзрит смéрти во вéки. Аще úбо вéра, яже в Тя, спасаёт отча́янные, се вéрую, спаси мя, яко Бог мой еси Ты и Создáтель. Вéра же вмéсто дел да вменится мне, Бóже мой, не обрящеши бо дел отнюд оправдáющих мя. Но тá вéра моя да довлéет вмéсто всех, тá да отвещáет, тá да оправдит мя, тá да покажет мя причáстника слáвы Твоея вéчной. Да не úбо похитит мя сатанá, и похва́лится, Сло́ве, е́же отторгнути мя от Твоея руки и ограды; но или́ хочу́, спаси мя, или́ не хочу́, Христé Спасе мой, предвари́ скоро, скоро погибóх: Ты бо еси Бог мой от чрéва мáтере моея. Сподóби мя, Гóсподи, ны́не возлю́бити Тя, якоже возлю́бих иногда́ той сáмый грех; и паки порабо́тати Тебе́ без лéности то́шно, якоже порабо́тах прéжде сатанé льстивому. Наипáче же порабо́таю Тебе́, Гóсподу и Бóгу моему́ Иисусу Христу́, во вся дни животá моего́, ны́не и прýсно и во вéки веко́в. Ами́нь.

Молитва 9-я, к Ангелу хранителю

Святы́й а́нгеле, предстоя́й окая́нной мое́й души́ и стра́стной мое́й жи́зни, не оста́ви мене́ грéшного, ниже́ отступи́ от мене́ за невоздержáние моё. Не да́ждь мéста лука́вому

дѣмону облада́ти мно́ю, наси́льством смѣртнаго се́го телесе́; укрепі́ бѣдству́ющую и худу́ю мою́ ру́ку и наста́ви мя на путь спасе́ния. Ей, святы́й а́нгеле Божі́й, храні́телю и покрові́телю ока́янных моея́ души́ и те́ла, вся́ мне прости́, ели́кими ты оскорби́х во вся́ дни живота́ моего́, и а́ще что согреши́х в прешѣдшую́ ночь́ сию́, покрый́ мя в настоя́щий день, и сохрани́ мя от вся́каго искуше́ния проти́внаго, да ни в ко́ем гресе́ прогне́ваю Бо́га, и моли́ся за мя ко Го́споду, да утверди́т мя в стра́се Своём, и досто́йна пока́жет мя раба́ Своея́ бла́гости. Ами́нь.

Молитва 10-я, ко Пресвятой Богородице

Пресвята́я Влады́чице моя́ Богоро́дице, святы́ми Твои́ми и всеси́льными мольба́ми отжени́ от мене́, смире́ннаго и ока́яннаго раба́ Твоего́ уны́ние, забвѣние, неразу́мие, нераде́ние, и вся́ сквер́ная, лука́вая и ху́льная помышле́ния от ока́яннаго моего́ се́рдца и от помраче́ннаго ума́ моего́; и погаси́ пла́мень страсте́й мои́х, я́ко нищ есмь и ока́янен. И изба́ви мя от мно́гих и лю́бых воспомина́ний и предпри́ятий, и от всех де́йств злых свободи́ мя. Я́ко благослове́на еси́ от всех родо́в, и сла́вится пречестно́е і́мя Твое́ во ве́ки веко́в. Ами́нь.

Молитвенное призывание святого, имя которого носишь

Моли́ Бо́га о мене́, святы́й уго́днице Божі́й (*имя*), я́ко аз усер́дно к тебѣ прибега́ю, скоро́му помо́щнику и моли́твеннику о душе́ мое́й.

Песнь Пресвятой Богородице

Богородице Дѣво, радуйся, Благодѣтельная Маріе, Господь с Тобою; благословѣна Ты в женах и благословѣн плод чрева Твоего, яко Спаса родила еси душ наших.

Тропарь Кресту и молитва за отечество

Спаси, Господи, люди Твоя, и благослови достояние Твое, победы православным христианом на сопротивныя даруя, и Твое сохраняя Крестом Твоим жительство.

Молитва о живых

Спаси, Господи, и помилуй отца моего духовнаго (*имя*), родителей моих (*имена*), сродников (*имена*), начальников, наставников, благодетелей (*имена*) и всех православных христиан.

Молитва о усопших

Упокой, Господи, души усопших раб Твоих: родителей моих, сродников, благодетелей (*имена их*), и всех православных христиан, и прости им вся согрешения вольная и невольная, и даруй им Царствие Небесное.

Если можешь, читай вместо кратких молитв о живых и усопших этот помянник:

О живых

Помяни, Господи Иисусе Христе, Бже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознеслся еси на небеса и седиши одесную Бога Отца, и призираеши на смиренныя мольбы всем сердцем призывающих

Тя; приклоні́ у́хо Твое́, и услы́ши смире́нное моле́ние мене́, непотре́бнаго раба́ Твоего́, в воню́ благоуха́ния духо́внаго, Тебе́ за вся лю́ди Твоя́ принося́щаго. И в пе́рвых помяни́ Цѣрковь Твою́ Святу́ю, Соборную́ и Апосто́льскую, ю́же снабде́л еси́ честно́ю Твое́ю Крѡвию, и утверди́, и укрепи́, и разшири́, умно́жи, умири́, и непреобори́му а́довыми вра́ты во ве́ки сохрани́; раздира́ния Церкве́й утиши́, шата́ния язы́ческая угаси́, и ересей́ воста́ния ско́ро разори́ и искорени́, и в ничто́же си́лою Свята́го Твоего́ Ду́ха обрати́. *(Поклон)*

Спаси́, Го́споди, и поми́луй Бо́гом храни́мую страну́ на́шу, вла́сти и вои́нство ея́, оградí миром держа́ву их, и покори́ под но́зе Правосла́вных вся́каго врага́ и супоста́та, и глаго́ли мирная́ и бла́гая в сердца́х их о Цѣркви Твое́й Святе́й, и о всех лю́дех Твои́х: да ти́хое и безмо́лвное жити́е поживе́м во правове́рии, и во вся́ком благоче́стии и чистоте́. *(Поклон)*

Спаси́, Го́споди, и поми́луй Вели́каго Госпо́дина и Отца́ на́шего Святе́йшего Патриарха́ *(имя)*, преосвяще́нныя митрополи́ты, архиепи́скопы и епи́скопы правосла́вныя, иере́и же и диа́коны, и весь причет церко́вный, я́же поста́вил еси́ пастí словесное́ Твое́ ста́до, и моли́твами их поми́луй и спаси́ мя грѣшнаго. *(Поклон)*

Спаси́, Го́споди, и поми́луй отца́ моего́ духо́внаго *(имя его)*, и святы́ми его́ моли́твами прости́ моя́ согреше́ния. *(Поклон)*

Спаси́, Го́споди, и поми́луй родители́ моя́ *(имена их)*, бра́тию и сестры́, и сродники́ моя́ по плѡти, и вся́ бли́жняя

рода моего, и други, и даруй им мирная Твоя и премирная благая. *(Поклон)*

Спаси, Господи, и помилуй по множеству щедрот Твоих вся священноиноки, иноки же и инокини, и вся в девстве же и благоговении и постничестве живущия в монастырех, в пустынях, в пещерах, горах, столпах, затворех, разселенных каменных, островех же морских, и на всяком месте владычества Твоего правверно живущия, и благочестно служащая Ти, и молящаяся Тебе: облегчи им тяготу, и утеши их скорбь, и к подвигу о Тебе силу и крепость им подаждь, и молитвами их даруй ми оставление грехов. *(Поклон)*

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедех же и скорбех, обстояниих и пленениих, темницах же и заточениих, изряднее же в гонениих, Тебе ради и веры православныя, от язык безбожных, от отступник и от еретиков, сущия рабы Твоя, и помяни я, посети, укрепи, утеши, и вскоре силою Твоею ослабу, свободу и избаву им подаждь. *(Поклон)*

Спаси, Господи, и помилуй благотворящая нам, милующия и питающия нас, давшия нам милостыни, и заповедавшия нам недостойным молиться о них, и упокоевающия нас, и сотвори милость Твою с ними, даруя им вся, яже ко спасению прошения, и вечных благ восприятие. *(Поклон)*

Спаси, Господи, и помилуй посланная в службу, путешествующия, отцы и братию нашу, и вся православныя христианы. *(Поклон)*

Спаси́, Го́споди, и помилуй ихже аз безумием моим соблазних, и от пути спасительнаго отврати́х, к делом злым и неподобным приведох; Божественным Твоим Промыслом к пути спасения паки возврати́. *(Поклон)*

Спаси́, Го́споди, и помилуй ненавидящия и обидящия мя, и творящия ми напасти, и не остави их погибнути мене ради грешнаго. *(Поклон)*

Отступившия от православныя веры и погибельными ересми ослепленные, светом Твоего познания просвети́ и Святей Твоей Апостольстей Соборней Церкви причти́. *(Поклон)*

Об усопших

Помяни́, Го́споди, от жития сего отшедшия правверныя царь и царицы, благоверныя князи и княгини, святейшия патриархи, преосвященные митрополиты, архиепископы и епископы православныя, во иерейстем же и в причте церковнем, и монашестем чине Тебе послужившия, и в вечных Твоих селениях со святыми упокой. *(Поклон)*

Помяни́, Го́споди, души усопших рабов Твоих, родителей моих *(имена их)*, и всех сродников по плоти; и прости́ их вся согрешения вольная и невольная, даруя им Царствие и причастие вечных Твоих благих и Твоея безконечныя и блаженныя жизни наслаждение. *(Поклон)*

Помяни́, Го́споди, и вся в надежди воскресения и жизни вечныя усопшия, отцы и братию нашу, и сестры, и zde лежащия и повсюду, православныя христианы, и со святыми

Твоими, идеже присещает свет лица Твоего, всели, и нас помилуй, яко Благ и Человеколюбец. Аминь. *(Поклон)*

Подáждь, Гóсподи, оставлénие грехóв всем прéжде отшédшим в вéре и надéжди воскресénия, отцém, брáтиям и сéстрам нáшим и сотвори им вéчную пáмять. *(Трижды)*

Окончание молитв

Достóйно ёсть яко воистину блажити Тя Богорóдицу, Присноблажénную и Пренепорóчную и Мáтерь Бóга нáшего. Честнéйшую Херувím и слáвнейшую без сравнénия Серафím, без ислéния Бóга Сло́ва рóждшую, сущую Богорóдицу Тя велича́ем.

⁴Слáва, и ны́не: Гóсподи, помилуй. *(Трижды)*

Гóсподи, Иису́се Христé, Сы́не Бóжий, молитв ра́ди Пре-
чи́стыя Твоея́ Мáтере, преподо́бных и богоно́сных о́тец
нáших и всех святы́х помилуй нас. Аминь.

⁴ В молитвословах и богослужебных книгах часто пишут кратко «Слáва:», «И ны́не:», но читать надо полностью: «Слáва Отцú и Сы́ну и Свято́му Ду́ху», «И ны́не и прísно и во вéки веко́в. Аминь»

Молитвы на сон грядущим



Во імя Отца́ и Сы́на и Свята́го Ду́ха. Ами́нь.

Го́споди Иису́се Христе́, Сы́не Бо́жий, моли́тв ра́ди Пре-
чи́стыя Твоея́ Ма́тере, преподо́бных и богоно́сных оте́ц
на́ших и всех святы́х, поми́луй нас. Ами́нь.

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше істины, Иже вездѣ
сый и вся исполня́яй, Сокро́вище благі́х и жи́зни Подáтелю,
прииди́ и всели́ся в ны, и очисти ны от вся́кия скве́рны, и
спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́ртный,
поми́луй нас. (Трижды)

Сла́ва Отцу́ и Сы́ну и Свято́му Ду́ху, и ны́не и при́сно и

во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. (*Трижды*) Слава, и ныне:

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари

Помилуй нас, Господи, помилуй нас; всякаго бо ответа недоумеюще, сию Ти молитву яко Владыце грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющиеся на Тя да не погибнем, но да избавимся Тобю от бед: Ты бо еси спасение рода христианскаго.

Господи, помилуй. (*12 раз*)

Молитва 1-я, святого Макария Великого, к Богу Отцу

Бже вечный и Царю всякаго создания, сподобивый мя

да́же в час сей dospéти, прости́ ми грехи́, яже сотвори́х в сей день дѣлом, слóвом и помышлѣнием, и очисти, Гóсподи, смиренную мою́ дýшу от всякя сквѣрны плóти и дýха. И да́ждь ми, Гóсподи, в но́щи сей сон прейти́ в ми́ре, да воста́в от смиреннаго ми ло́жа, благоугождý пресвято́му и́мени Твоему́, во вся дни живота́ моего́, и поперу́ борю́щая мя враги́ плотскія и безплóтныя. И изба́ви мя, Гóсподи, от помышлѣний сýетных, оскверня́ющих мя, и по́хотей лука́вых. Яко Твое́ е́сть Ца́рство, и си́ла и сла́ва, Отца́ и Сы́на и Свята́го Дýха, ны́не и при́сно и во ве́ки веко́в. Ами́нь.

Молитва 2-я, святого Антиоха, ко Господу нашему Иисусу Христу

Вседержителю, Слово Отчее, Сам совершен сый, Иисусе Христе́, мно́гаго ра́ди милосѣрдия Твоего́ никогда́же отлуча́йся мене́, раба́ Твоего́, но всегда́ во мне почива́й. Иисусе́, до́брый Па́стырю Твои́х овец, не преда́ждь мене́ крамолѣ зми́ине, и желáнию сатанину́ не оста́ви мене́, яко се́мя тли во мне есть. Ты у́бо, Гóсподи Бóже покланя́емый, Царю́ Святы́й, Иисусе́ Христе́, спя́ща мя сохрани́ немерца́ющим свѣтом, Дýхом Твои́м Святы́м, Имже освяти́л еси́ Твоя́ ученики́. Даждь, Гóсподи, и мне, недостойно́му рабу́ Твоему́, спасѣние Твое́ на ло́жи моём: просвети́ ум мой свѣтом ра́зума Свята́го Ева́нгелия Твоего́, дýшу любóвию Креста́ Твоего́, се́рдце чистотóю словесе́ Твоего́, тѣло моё́ Твоею́ стра́стию безстра́стною, мысль мою́ Твои́м смире́нием сохрани́, и воздвигни́ мя во вре́мя подобно́ на Твое́ славослóвие. Яко препрос-

лавлен еси со Безначальным Твоим Отцем и с Пресвятым Духом во веки. Аминь.

Молитва 3-я, ко Пресвятому Духу

Господи, Царю Небесный, Утешителю, Душе истины, умиласердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от наглства и уныния. Аще именем Твоим кляхся, или похулих е в помышлении моем; или кого укорих; или оклеветалх кого гневом моим, или печалих, или о чем прогневахся; или солгалх, или безгодно спалх, или нищ прииде ко мне, и презрелх его; или брата моего печалих, или свадих, или кого осудих; или развеличалхся, или разгорделхся, или разгневахся; или стоящу ми на молитве, ум мой о лукавствии мира сего подвижеся, или возвращение помыслих; или объядохся, или опихся, или без ума смеялся; или лукавое помыслих, или доброту чуждую виде, и тою уязвлен бых сердцем; или неподобная глаголах, или греху брата моего посмеялся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прослаблю пречест-

но́е імя Тво́е, со Отце́м, и Единоро́дным Его́ Сы́ном, ны́не и прісно и во ве́ки. Ами́нь.

Молитва 4-я, святого Макария Великого

Что́ Ти принесу́, или́ что́ Ти возда́м, великодарови́тый Безсме́ртный Царю́, ще́дре и человеколю́бче Го́споди, я́ко лентя́щая мене́ на Тво́е угожде́ние, и ничто́же бла́го сотво́рша, приве́л еси́ на ко́нec мимомо́дшаго дне сего́, обра́щение и спасе́ние ду́ши мое́й стробя? Ми́лостив ми бу́ди грешному́ и обнаже́нному вся́каго де́ла бла́га, возста́ви па́дшую мою́ ду́шу, оскверни́вшуюся в безме́рных согреше́ниях, и отыми́ от мене́ весь по́мысл лука́вый ви́димаго сего́ жити́я. Прости́ моя́ согреше́ния, еди́не Безгрешне, я́же Ти согреші́х в сей день, ве́дением и неве́дением, сло́вом, и де́лом, и помы́шлением, и все́ми мои́ми чу́вствы. Ты Сам, покрыва́я, сохрани́ мя от вся́каго сопроти́внаго обстоя́ния Божество́нною Тво́ею вла́стию, и неизрече́нным человеколю́бием, и си́лою. Очи́сти, Бо́же, очи́сти мно́жество грехо́в мои́х. Благоволи́, Го́споди, изба́вити мя от се́ти лука́ваго, и спаси́ стра́стную мою́ ду́шу, и осени́ мя све́том лица́ Твоего́, егда́ приидеши во сла́ве, и неосужде́нна ны́не сном усну́ти сотвори́, и без мечта́ния, и несму́щен по́мысл раба́ Твоего́ соблюди́, и всю сатанину́ де́тель отжени́ от мене́, и просвети́ ми разу́мныя о́чи серде́чныя, да не усну́ в смерть. И послі́ ми а́нгела ми́рна, храни́теля и наста́вника ду́ши и те́лу моему́, да изба́вит мя от враг мои́х; да воста́в со одра́ моего́, принесу́ Ти благода́рственныя мо́льбы. Ей, Го́споди, услы́ши мя грешнаго и

убогаго раба Твоего, изволением и совестью; даруй ми воста́вшу словесем Твоим поучиться, и уныние бесовское далече от мене отгна́но быти сотвори́ Твоими ангелы; да благословлю́ имя Твое свято́е, и просла́влю, и сла́влю Пречи́стую Богоро́дицу Марию, Юже дал еси́ нам грешным заступленье, и приими́ Сию моля́щуюся за ны; вем бо, яко подража́ет Твое человеколю́бие, и моля́щаяся не престаёт. То́я заступлени́ем, и Честна́го Креста́ зна́мением, и всех святы́х Твои́х ра́ди, убо́гую ду́шу мою́ соблюди́, Иису́се Христе́ Бо́же наш, яко́ Свят еси́, и препросла́влен во ве́ки. Ами́нь.

Молитва 5-я

Го́споди Бо́же наш, е́же согреши́х во дни сем сло́вом, де́лом и помышле́нием, яко́ Благ и Человеколю́бец прости́ ми. Ми́рен сон и безмяте́жен даруй ми. Ангела Твоего́ храните́ля послѣ́, покрыва́ющая и соблюда́ющая мя от всякаго зла, яко́ Ты еси́ храните́ль душам и телесем на́шим, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в. Ами́нь.

Молитва 6-я

Го́споди Бо́же наш, в Него́же ве́ровахом, и Его́же имя́ па́че всякаго и́мене призыва́ем, да́ждь нам, ко сну отходя́щим, осла́бу души́ и телу́, и соблюди́ нас от всякаго мечта́ния, и те́мныя сла́сти кроме́; уста́ви стремле́ние страсте́й, угаси́ разже́ния воста́ния телеснаго. Даждь нам целому́дренне по́жити де́лы и словесы́; да добродете́льное жи́тельство восприе́млюще, обетова́нных не отпаде́м благи́х Твои́х, яко́ благо-

словѣн еси во вѣки. Амѣнь.

Молитва 7-я, святого Иоанна Златоуста

(24 молитвы, по числу часов дня и ночи)

¹Господи, не лишѣ мене небесныхъ Твоихъ благъ. ²Господи, избави мя вечныхъ мукъ. ³Господи, умомъ ли или помышлениемъ, словомъ или деломъ согрѣшихъ, прости мя. ⁴Господи, избави мя всякаго неведения и забвѣния, и малодушья, и окаменѣннаго нечувствья. ⁵Господи, избави мя отъ всякаго искушенья. ⁶Господи, просвети мое сердце, еже помрачи лукавое похотѣние. ⁷Господи, азъ яко человекъ согрѣшихъ, Ты же, яко Богъ щедръ, помилуй мя, видя немощь души моея. ⁸Господи, послѣй благодать Твою въ помощь мнѣ, да прославлю имя Твое святое. ⁹Господи Иисусе Христе, напиши мя раба Твоего въ книгѣ животней и даруй ми конецъ благихъ. ¹⁰Господи Боже мой, аще и ничтоже благо сотворихъ предъ Тобою, но даждь ми по благодати Твоей положить начало благое. ¹¹Господи, окропи въ сердце моемъ росу благодати Твоея. ¹²Господи небесе и земли, помяни мя грѣшнаго раба Твоего, студнаго и нечистаго, во Царствии Твоемъ. Амѣнь.

¹Господи, въ покаянии приими мя. ²Господи, не остави мене. ³Господи, не введи мене въ напасть. ⁴Господи, даждь ми мысль благоу. ⁵Господи, даждь ми слезы и память смертную, и умилѣние. ⁶Господи, даждь ми помысл исповѣданья

грехов моих. ⁷Господи, даждь ми смирение, целомудрие и послушание. ⁸Господи, даждь ми терпение, великодушие и кротость. ⁹Господи, всели в мя корень благих, страх Твой в сердце мое. ¹⁰Господи, сподоби мя любить Тя от всея души моея и помышления и творити во всем волю Твою. ¹¹Господи, покрый мя от человек некоторых, и бесов, и страстей, и от всякия иныя неподобныя вещи. ¹²Господи, веси, яко твориши, якоже Ты волиши, да будет воля Твоя и во мне грешном, яко благословен еси во веки. Аминь.

Молитва 8-я, ко Господу нашему Иисусу Христу

Господи Иисусе Христе, Сыне Божий, ради честнейшия Матере Твоея, и безплотных Твоих ангел, Пророка же и Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящего обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкйся, исторгни мя от окаяинства, и утешение подаждь души моей окаянной. Всади в сердце мое творити Твоя повеления, и оставити лукавая деяния, и получиши блаженства Твоя: на Тя бо, Господи, уповах, спаси мя.

Молитва 9-я, ко Пресвятой Богородице, Петра Студийского

К Тебѣ Пречистей Божіей Матери аз окаянный припадаю молюся: вѣси, Царице, яко безпрестани согрешаю и прогневлѣю Сына Твоего и Бога моего, и многажды аще каюся, лож пред Богом обретаюся, и каюся трепеща: неужели Господь поразит мя, и по часе паки тажде творю; ведущи сия, Владычице моя Госпоже Богородице, молю, да помилуеши, да укрепіши, и благая творити да подаси ми. Вѣси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не попушай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Ему же подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно и во веки веков. Аминь.

Молитва 10-я, ко Пресвятой Богородице

Благого Царя благая Мати, Пречистая и Благословенная Богородице Маріе, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока преиду и Тобю рай да обрящу, Богородице Дево, едина

Чистая и Благословенная.

Молитва 11-я, ко святому ангелу хранителю

Ангеле Христовъ, хранителю мой святыи и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажешо благодати и милости Всесвятыя Троицы и Матере Господа моего Иисуса Христа и всех святых. Аминь.

Кондак Богородице

Взбранной Воеводе победительная, яко избавльшеся от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богородице Дево, не презри мене грешнаго, требующа Твоея помощи и Твоего заступления, на Тя бо упова душа моя, и помилуй мя.

Молитва святого Иоанникия

Упование мое Отец, прибежище мое Сын, покров мой Дух Святыи: Троице Святая, слава Тебе.

Достойно есть яко воистинну блажити Тя Богородицу,

Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем.

Слава, и ныне: Господи, помилуй. (*Трижды*)

Господи Иисусе Христе, Сыне Божий, молих ради Пречистой Твоей Матери, преподобных и богоносных отец наших и всех святых помилуй нас. Аминь.

Молитва святого Иоанна Дамаскина

Владыко Человеколюбче, неужели мне одр сей гроб будет, или еще окаянную мою душу просветиши днем? Се ми гроб предлежит, се ми смерть предстоит. Судя Твоего, Господи, боюсь и муки безконечныя, злое же творя не престаю: Тебе Господа Бога моего всегда прогневляю, и Пречистую Твою Матерь, и вся Небесныя Силы, и святого ангела хранителя моего. Вем убо, Господи, яко недостойн есмь человеколюбия Твоего, но достоин есмь всякаго осуждения и муки. Но, Господи, или хошу, или не хошу, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достойни бо суть милости Твоея. Но на мне грешнем удиви милость Твою: о сем яви человеколюбие Твое, да не одолеет моя злоба Твоей неизглаголанней благодости и милосердию: и якоже хощеши, устрой о мне вещь.

Просвети очи мои, Христе Боже, да не когда усну в смерть, да не когда речет враг мой: укрепихся на него.

Слава: Заступник души моей буди, Боже, яко посреде хо-

ждѹ сетей многѣх; избави мя от них и спаси мя, Блаже, яко
Человеколюбец.

И ныне: Преславную Божию Матерь, и святых ангел Свя-
тейшую, немолчно воспойм сердцем и усты, Богородицу сию
исповедающе, яко воистинну рождшую нам Бога воплощен-
на, и молящуюся непрестанно о душах наших.

Знаменуй себя крестом и говори молитву

Честному Кресту:

Да воскреснет Бог, и расточатся врази Его, и да бежат
от лица Его ненавидящие Его. Яко исчезает дым, да исчез-
нут; яко тает воск от лица огня, тако да погибнут беси от
лица любящих Бога и знаменующихся крестным знамени-
ем, и в веселии глаголющих: радуйся, Пречестный и Живо-
творящий Кресте Господень, прогоняяй бесы силою на те-
бе пропятого Господа нашего Иисуса Христа, во ад сшед-
шаго и поправшаго силу диаволу, и даровавшаго нам те-
бе Крест Свой Честный на прогнание всякаго супостата. О,
Пречестный и Животворящий Кресте Господень! Помогай
ми со Святою Госпожею Девею Богородицею и со всеми свя-
тыми во веки. Аминь.

Или кратко:

Оградь мя, Господи, силою Честного и Животворящего
Твоего Креста, и сохрани мя от всякаго зла.

Молитва

Ослаби, остави, прости, Бже, прегрешения наша, воль-
ная и невольная, яже в слове и в деле, яже в ведении и не в

вѣдении, яже во дни и в нощи́, яже во умѣ и в помышлѣнии: вся́ нам прости́, яко́ Благ и Человеколюбец.

Молитва

Ненавидящих и обидящих нас прости́, Господи Человеколюбче. Благодворящим благосотвори́. Братиям и сродником нашим даруй яже ко спасѣнию проше́ния и жизнь вѣчную. В немо́щих сущия посети́ и исцелѣние даруй. Иже на мѡри упра́ви. Путешествующим спутешествуй. Правосла́вным христиа́ном споборствуй. Служа́щим и мѣлюющим нас грехѡв оставлѣние даруй. Заповѣдавших нам недостѡйным моли́тися о них помѣлуй по вели́цей Твое́й мѣлости. Помяни́, Господи, прѣжде усо́пших оте́ц и бра́тий наших и упокой их, иде́же присещает свет лица́ Твоего́. Помяни́, Господи, бра́тий наших пленѣнных и изба́ви я́ от всякаго обстоя́ния. Помяни́, Господи, плодонося́щих и добродѣлающих во святы́х Твоѣих цѣрквах, и да́ждь им яже ко спасѣнию проше́ния и жизнь вѣчную. Помяни́, Господи, и нас, смире́нных и грѣшных и недостѡйных раб Твоѣих, и просвети́ наш ум свѣтом ра́зума Твоего́, и наста́ви нас на стезю́ заповедей Твоѣих, моли́твами Пречѣстныя Влады́чицы нашея Богоро́дицы и Присноде́вы Ма́рии и всех Твоѣих святы́х: яко́ благословѣн еси́ во ве́ки веко́в. Ами́нь.

Исповѣдание грехов повседневное


Исповѣдаю Тебѣ́ Господу́ Бо́гу моему́ и Творцу́, во Святей Трѡице Еди́ному, сла́вимому и поклоня́емому, Отцу́ и Сы́ну и Свято́му Ду́ху, вся́ моя́ грехи́, яже соде́ях во

вся дни живота моего, и на всякий час, и в настоящее время, и в прешедшия дни и нощи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобием, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, и между Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каяться: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.

Когда отходишь ко сну, произноси:

В руке Твоей, Господи Иисусе Христе, Боже мой, предаю дух мой: Ты же мя благослови, Ты мя помилуй и животи вечный даруй ми. Аминь.

Канон покаянный ко Господу нашему Иисусу Христу



Глас 6-й

Пѣснь 1

Ирмос: Яко по сѹху пешешествовав Израїль, по бѣдне стопами, гонителя фараона видя потопляема, Бѣгу побѣдную пѣснь поїм, вопіяше.

Припѣв: Помилуй мя, Бѣже, помилуй мя.⁵

Ныне приступих аз грѣшный и обремененный к Тебѣ, Вла-

⁵ В канонах припев как молитвенное воззвание произносится перед первым и вторым (и третьим, когда оно есть) тропарем каждой песни, но не читается перед тропарями, начинающимся со «Слава Отцу и Сыну и Святому Духу» и «И ныне и присно и во веки веков. Аминь».

дыще и Богу моему; не смею же взирати на небо, токмо молюсь, глаголя: даждь ми, Господи, ум, да плачуся дел моих горько.

Помилуй мя, Бже, помилуй мя.

О, горе мне грешному! Паче всех человек окаянен есмь, покаяния несть во мне; даждь ми, Господи, слезы, да плачуся дел моих горько.

Слава Отцу, и Сыну, и Святому Духу. Безумне, окаянен человеке, в лености время губиши; помысли житие твое, и обратися ко Господу Богу, и плачися о делех твоих горько.

И ныне, и присно, и во веки веков, аминь. Мати Божия Пречистая, возри на мя грешнаго, и от сети диаволи избави мя, и на путь покаяния настави мя, да плачуся дел моих горько.

Песнь 3

Ирмос: Несть свят, якоже Ты, Господи Бже мой, вознесый рог верных Твоих, Блаже, и утвердивый нас на камени исповедания Твоего.

Помилуй мя, Бже, помилуй мя.

Внегда поставлени будут престолы на судищи страшнем, тогда всех человек дела обличатся; горе тамо будет грешным, в муку отсылаемым; и то ведаючи, душе моя, покайся от злых дел твоих.

Помилуй мя, Бже, помилуй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас,

тѣмже прѣжде конца покайся от злыхъ дѣл твоихъ.

Слава Отцу, и Сыну, и Святому Духу. Увы мнѣ великогрѣшному, иже дѣлы и мысльми осквернився, ни капли слѣз имѣю от жестосердья; ныне возникни от земли, душе моя, и покайся от злыхъ дѣл твоихъ.

И ныне, и присно, и во веки вековъ, аминь. Сѣ, взываетъ, Госпожѣ, Сынъ Твой, и поучаетъ насъ на доброе, азъ же грѣшный добра всегда бѣгаю; но Ты, Милостивая, помилуй мя, да покаюся от злыхъ моихъ дѣл.

Седáлен, гласъ 6-й

Помышляю день страшный и плачуся деяний моихъ лукавыхъ: како отвещаю Безсмертному Царю, или коимъ дерзновениемъ воззрю на Судию, блудный азъ? Благоутробный Отче, Сыне Единородный и Душе Святыи, помилуй мя.

Слава Отцу, и Сыну, и Святому Духу, и ныне, и присно, и во веки вековъ, аминь.

Богорóдичен

Связанъ многими ныне пленницами греховъ и содержи́мъ лю́бтыми страстьми и беда́ми, к Тебѣ прибегаю, моему спасению, и вопию: помози ми, Дево, Мати Божия.

Пѣснь 4

Ирмо́с: Христосъ моя сила, Богъ и Господь, честная Церковь боголепно поетъ, взываючи от смысла чиста, о Господе празднующи.

Помилуй мя, Боже, помилуй мя.

Широкъ путь здѣ и угóдный сла́сти творити, но горько

будет в последний день, егда душа от тела разлучатися будет:
блюдися от сих, челове́че, Царствія ра́ди Божія.

Помілуй мя, Бо́же, помілуй мя.

Почто́ убо́гаго обидиши, мзду́ наёмни́чу удержуеши,
бра́та твоего́ не любиши, блуд и го́рдость го́ниши? Оста́ви
у́бо сия́, душе́ моя́, и пока́йся Царствія ра́ди Божія.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.